

Արցախի պատգամավորները Յերմինե Նաղդայանի՝ «մենք այդ հողերը չենք ուզում» արտահայտության շուրջ

ԼՂՀ ԱԺ պատգամավորներն անդրադարձել են ապրիլի 26-ին ՀՀ ԱԺ փոխնախագահ Յերմինե Նաղդայանի՝ լրագրողների հետ ունեցած ճեպագրույցին, որի ժամանակ վերջինս կարծիք է հայտնել, թե ՀՀ-ն Ղարաբաղի հարցում պատրաստ է տարածքային փոխադրման:

Նա մասնավորապես նշել էր. «Մեր փոխգլխումը ոչ թե 5 գրավյալ տարածքներն են, այլ այդ համալիրն ամբողջական Մարդիության սկզբունքների, որտեղ մենք ներկայանում ենք՝ որպես մեր խաղաղ, ինքնիշխան պետության համար պայքարող ժողովուրդ, մենք չենք պայքարում ձեր հողերի համար, մենք պայքարում ենք մեր խաղաղ ինքնիշխան պետության համար: Դրա համար մենք ընդունում ենք, որ երբ որ կընդունվի, կլինի հանրաքվեն, կընդունվի կարգավիճակի մասին որոշում եւ աշխարհը կընդունի Ղարաբաղի անկախությունը, մենք ձեր հողերը կամ այն հողերը, որոնց վրա մենք այսօր այդ իրավունքը չունենք, մենք այդ հողերը չենք ուզում: Սա մեր բուժքրային զուտն է եւ սա մեր անվտանգության երաշխիքն է»:

Հարցի շուրջ «Ապառաժ»-ը գրուցել է ԼՂՀ ԱԺ տարբեր խմբակցությունների պատգամավորների հետ:

ԼՂՀ ԱԺ «Դաշնակցություն» խմբակցության ղեկավար Դավիթ Իշխանյանը նման հայտարարությունն անընդունելի է համարում:

«Այն տեսակետները, որոնք Յերմինե

համոզմունք ունեցող անձը չի կարող զբաղեցնել ՀՀ ԱԺ փոխնախագահի պաշտոնը: Նման անձը չի կարող ղեկավարել ԵՆԽԿ-ում հայկական պատվիրակությունը: Ես ամոթ եմ զգում, ամոթ՝ նման պաշտոնյաներ ունենալու համար: Դրանից հետեություններ պետք է անի ՀՀ բարձրագույն ղեկավարությունը»,- ընդգծել է Դավիթ Իշխանյանը:

ԼՂՀ ԱԺ արտաքին հարբերությունների մշտական հանձնաժողովի նախագահ, «Ազատ հայրենիք» կուսակցության անդամ Արզիկ Մխիթարյանը նշել է.

«Եթե նա կարող էր այդքան ակտիվ



գտնվել է նման հայտարարություն անել, ապա դա արտակարգ մտահոգիչ է: Ես ինձ թույլ եմ տալիս արտահայտվելու, որ Նաղդայանը չէր կարող այդքան մանկամիտ լինել եւ նման միտք արտահայտել: Կամ դա մշակված քաղաքականություն է, որը մինչեւ հիմա մեզ հայտնի չէ /ինչը շատ վտանգավոր է/, կամ էլ՝ մանկամտություն: Նա պետք է խիզախություն ունենա՝ հայցելու մեր ժողովրդի ներողամտությունը: Նման հայտարարությունը, իրոք, ապակողմնորոշում է մեր հասարակությանը եւ անկայուն իրավիճակ է ստեղծում:

Անձամբ ճանաչելով Յերմինե Նաղդայանին՝ միշտ այն կարծիքն էի, որ նա մեր խնդրի արդարացի լուծման ջատագովներից է, եւ եւրբեւէ չէի մտածում, որ կարող է նման խոսքեր իրեն թույլ տալ»:

Արզիկ Մխիթարյանի խոսքով՝ այսօր Յերմինե Նաղդայանը գանգել է ԼՂՀ ԱԺ ասելով, որ նման հայտարարություն չի արել, եւ դա լրագրողական սխալ տղազրության պատճառ է:

«Պետք է ճշտել՝ դա թյուրիմացություն է, թե՛ նա հենց այդ գաղափարների տերն է: Եթե տիկին Նաղդայանը նման գաղափարների տեր է, ապա պետք է շատ լուրջ վերաբերել երեւույթին եւ լրջորեն դնել այդ հարցը: Իսկ եթե թյուրիմացություն է կամ լրագրողական ինչ-որ սխալ տղազրությունների արդյունք, ապա եւս մեկ անգամ անհրաժեշտ է հստակեցնել նրա կարծիքը Ղարաբաղի հիմնախնդրի վերաբերյալ, այլապես մենք իրավունք չունենք նման քաղաքական գործիչին վստահել Արցախի հիմնախնդրի լուծման առաքելությունը, քանզի նա նույն հաջողությամբ նման թյուրիմացություն թույլ կտա նաեւ ԵՆԽԿ-ում»:

ԼՂՀ ԱԺ «Շարժում-88» խմբակցու-

թյան ղեկավար Էդուարդ Աղաբեկյանը, խոսելով հարցի շուրջ, շեշտել է.

«Նաղդայանի կարծիքն ինձ չի հետաքրքրում: Նա իր կարծիքը կարող է արտահայտել միայն իր ամուսնու մոտ:



Այդպես էլ հրապարակեք կարծիքս: Ոչ Նաղդայանը, ոչ ՀՀ նախագահը չեն կարող որոշել՝ Ղարաբաղը պե՞տք է արդյոք բան տա, թե՞ ոչ: Գուցե մինչեւ ապրիլի 1-ը կարող էին, ապրիլի 1-ից իրադրություն է փոխվել: ՀՀ-ի գիշտական դիրքերն են պատճառը, որ այսօր Աղրբեջանը Հայաստանն անվանում է արեւմտյան Աղրբեջան: Յերմինե Նաղդայանը թող դրան պատասխան տա»:

«Վերածնունդ» խմբակցության պատգամավոր Հայկ Խանույանն էլ ասել է.

«Պետք է նկատել, որ ԱԺ փոխնախագահի կողմից արված հայտարարություններն ամբողջովին պարտվողական եւ գիշտական են, ինչը ոչ միայն վիրավորում է Արցախի ժողովրդի արժանապատվությունը եւ լկտիացնում Աղրբեջանին, այլեւ զգալի թուլացնում է Հերմինե Նաղդայանի կուսակցի դիրքը բանակցություններում: Երբ որ այդ նույն կուսակցության ներկայացուցիչը՝ ՀՀ նախագահը, գնում է բանակցությունների եւ իր կուսակցության բավականին բարձրաստիճան դեմքը՝ ԱԺ փոխնախագահը, հայտարարում է, որ պատրաստ են տարածքներ զիջել, պատկերացնո՞ւմ



եք այդ բանակցություններ վարողի դիրքը բանակցային սեղանի շուրջ, կամ էլ Աղրբեջանի դիրքը, որն արդեն իսկ գիտի, որ Սերժ Սարգսյանի կուսակցության պատասխանատու դեմքերից մեկը պատրաստ է գիշտումներ անել Արցախի սահմանադրությամբ ամրագրված շրջանների շուրջ: Ինչպե՞ս կպահի իրեն

Աղրբեջանը: Բնականաբար՝ ավելի լկտի:

Մյուս կողմից՝ ամբողջովին անբարոյականություն է, երբ զինվորը կանգնած է սահմանին եւ կյանքի գնով պահում է դիրքը, նմանատիպ հայտարարություններ անել: Կրկնակի անբարոյականություն է այդ շրջաններում ապրող բնակիչների տեսանկյունից, որովհետեւ մարդիկ այնտեղ ապրում են, այնտեղ աշխատում եւ արարում, իսկ ինչ-որ մի պաշտոնյա հայտարարում է իրենց հողերը կամ իրենց տները հանձնելու մասին:

Ավելին՝ վտանգավոր է նաեւ նրանով, որ լուրջ հարվածներ է հասցնում այդ շրջաններում նախատեսվող ներդրումային ծրագրերի համար»:

Խանույանը եւս մտահոգություն է հայտնել Նաղդայանի՝ Հայաստանի պատվիրակությունը Եվրոպայի խորհրդի խորհրդարանական վեհաժողովում գլխավորելու համար: Մի վայր, որտեղ Աղրբեջանը բավականին ակտիվ փորձում է տարբեր բանաձեւեր ընդունել տալ:

«Հետեւաբար, մի լուծում կա՝ Հ. Նաղդայանը պետք է հրաժարական տա ՀՀ ԱԺ նախագահի տեղակալի պաշտոնից եւ պետք է նաեւ հրաժարվի ԵՆԽԿ պատվիրակությունում ՀՀ ներկայացուցիչ պաշտոնից»,- եզրափակել է Հ. Խանույանը:

«Ժողովրդավարություն» խմբակցության ղեկավար Վարդգես Բաղդասյան էլ մեզ հետ զրույցում ասել է.

«Ես միանշանակ այն կարծիքին եմ, որ ոչ մեկը չի կարող կասկածի տակ դնել ԼՂՀ սահմանադրությունը, իսկ այն տարածքները, որոնց մասին խոսվել է ճեպագրույցի ժամանակ, մեր հանրապետության սահմանադրորեն անբաժանելի մասն են: Խոսել տարածքներ զիջելու մասին՝ ոչ միայն ժամանակավրեպ է, այլեւ, իմ խորին համոզմամբ, ուղղակի անթույլատրելի: Ես չեմ բացառում նաեւ, որ ինչ որ բան այնպես չի ասվել կամ կոտեքստից խոսք է դուրս մնացել, սակայն այն, ինչը տեսել եմ տեսագրության ձեւով, անընդունելի է: Եթե տիկին Նաղդայանը կարծում է, որ իր խոսքերը կոտեքստից դուրս են հրապարակվել, այդ իսկ պատճառով չեն ընկալվել, ապա նա հնարավորություն ունի հրապարակավ ճշտում մտցնելու այդ հարցում»:



տության սահմանադրորեն անբաժանելի մասն են: Խոսել տարածքներ զիջելու մասին՝ ոչ միայն ժամանակավրեպ է, այլեւ, իմ խորին համոզմամբ, ուղղակի անթույլատրելի: Ես չեմ բացառում նաեւ, որ ինչ որ բան այնպես չի ասվել կամ կոտեքստից խոսք է դուրս մնացել, սակայն այն, ինչը տեսել եմ տեսագրության ձեւով, անընդունելի է: Եթե տիկին Նաղդայանը կարծում է, որ իր խոսքերը կոտեքստից դուրս են հրապարակվել, այդ իսկ պատճառով չեն ընկալվել, ապա նա հնարավորություն ունի հրապարակավ ճշտում մտցնելու այդ հարցում»:

Հարցազրույցը վարեց Արմինե ՆԱԻՆՅԱՆԸ



Նաղդայանը փորձեց մատուցել ոչ միայն հայ հանրությանը, այլեւ Ղարաբաղի հիմնահարցով շահագրգիռ եւ ոչ շահագրգիռ կողմերին. իսկը աղրբեջանական շահերը սպասարկող հայտարարություն էր:

Մտահոգություն կա, որ ՀՀ քաղաքական շրջանակներում ուրվագծվում է գիշտական կամ պարտվողական դիրքորոշում, որը փորձում են մատուցել հայ հասարակությանը»:

Դավիթ Իշխանյանը շեշտել է, որ Արցախի սահմանադրությամբ ամրագրված տարածքները սակարկման առարկա լինել չեն կարող: Պատգամավորը նշել է, որ հարցը նաեւ պետք է դիտարկել համահայկական շահերի տիրույթում:

«Այդ տարածքները, որոնց մասին «համոզված» խոսում է տիկին Նաղդայանը, մեր ազգային անվտանգության բաղադրիչներն են: Նման տեսակետ եւ



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Խմբագրական

Երբ լռեն թնդանոթները...

Ապրիլյան իրադարձությունները, հիրավի, կարելի է անվանել Արցախյան երկրորդ պատերազմ: Ադրբեյջանի կողմից սանձազերծած ագրեսիան, որը վերածվեց լայնամասշտաբ պատերազմի ԼՂՀ սահմանի ողջ երկայնքով, մեկ անգամ եւս ստիպեց աշխարհի մեծ թվով երկրների եւ կազմակերպությունների ուշադրությունը սեւեռել Անդրկովկասում շուրջ երեք տասնամյակ տեւող մերթ սառը, մերթ թե՛ հակամարտությանը: Այս անգամ եւս հնչող գնահատականները տարաբնույթ էին:

Տասնամյակներ տեւող այս հակամարտությունը գնալով վեր է ածվում ավելի բարդ եւ խճճված պատկերի, որն այսօր պատճառ է դարձել հայկական քաղաքական եւ դիվանագիտական մտքի պառակտման ու հակամարտության կարգավորման միասնական տեսլականի բացակայության: Սա անթույլատրելի է հաղթանակած ու իրադարձար պարտադրած կողմի համար:

Որեւէ բան պետք չէ բարդացնել եւ, առավել եւս, ընկնել մանրուքների հետեւից: Արեւի տակ ազատ եւ անկախ ապրելու համար որեւէ մեկը պարտավոր չէ արդարանալ որեւէ մեկի առջեւ. սա կարճ եւ պարզագույն բանաձեւ է, որով պետք է առաջնորդվի հայկական արտաքին եւ ներքին քաղաքական միտքը:

Արցախի Հանրապետության ծնունդն արտառոց դեպք չէր աշխարհում, եւ պետք չէ այդ փաստը դիտել տարբեր տեսանկյուններից: Աշխարհում առկա բոլոր պետությունների պես մի օր էլ հռչակվեց մեր պետականությունը, հռչակվեց իր ազգաբնակչության կամարտահայտության հիման վրա, հռչակվեց այս աշխարհում ընդունված նորմերով ու սկզբունքներով, հռչակվեց եւ ստիպված եղավ իր ուսերին վերցնել մեծ մարտահրավերներ: Պայքարեց, մաքառեց եւ կանխեց իր նմանի կողմից իրեն ուղղված ագրեսիան ու թելադրեց փխրուն խաղաղություն:

Արդեն 25 տարի՝ Արցախի Հանրապետությունը իրոզություն է: Չկա եւ չպետք է լինի հակամարտություն: Կա խնդիր եւ սպառնալիք. հարեւան Ադրբեյջանի Հանրապետությունը սպառնում է եւ հստակ գործողություններով փորձում է ոչնչացնել ամբողջական մի երկիր եւ նրա բնակչությանը, միջազգային ընդունված եւ հռչակված բառապաշարով ասել է թե՛՝ ցեղասպանություն է իրագործում: Այս դեպքում ի՞նչ ասել է հակամարտություն եւ բանակցություն: Ինչի՞ շուրջ եւ ո՞ւմ հետ պետք է բանակցել. սա է ամբողջ հարցը:

Իհարկե, մեծ հպարտությամբ եւ երախտագիտությամբ պետք է արձանագրել կարեւոր փաստը՝ հայկական բանակը կանխում է թշնամու ցանկացած ոտնձգություն եւ երաշխավորում Արցախի բնակչության անվտանգությունը:

Սակայն չլուծված է մնում հիմնական խնդիրը: Մինչեւ ե՞րբ պիտի շարունակվի այսպես եւ ինչպե՞ս պիտի լուծվի հայ ժողովրդի խաղաղ ապրելու իրավունքը:

Պետք է հստակ կոչով դիմել համայն աշխարհին՝ ընդունել եւ ճանաչել մեզ համաշխարհային ընտանիքի մեջ՝ որպես նույն տեսակ, որը վտանգված է:

Այլեւս բավական է: Մեր ազատ եւ լիիրավ ապրելու իրավունքը չպետք է խաղաղաբարտ դարձնել: 25 տարի տեւող խեղաթյուրված քաղաքականությունն իրենց կյանքով սրբագրել են անկախության սերնդի մարտիկները: Այսպես այլեւս անթույլատրելի է: Սա ո՛չ ազատագրական, ո՛չ էլ հայրենական պատերազմ է: Սա ապրելու իրավունքի պատերազմ է, որը կարելի էր եւ շրջանցել: Մեր ժողովրդի համար մեծ ճոխություն է՝ ամեն հարց լուծել մարդկային կյանքով:

Ժողովուրդն անհամբեր սպասում է՝ ի՞նչ է լինելու, երբ լռեն թնդանոթները...



7 օր առաջնագծում

Ադրբեյջանական պրոպագանդան, հենվելով սեփական երկրի պաշտպանական գերատեսչության աղբյուրի վրա, հաղորդագրություն էր տարածել, թե իբր ապրիլի 24-ի գիշերը հայկական «տանկերը մոտեցել են դիրքերին եւ կրակ բացել, իսկ այնուհետեւ կենդանի ուժի օգնությամբ կատարել հարձակման փորձ»: ԼՂՀ ՊՆ-ն հերքել է այս լուրը՝ այն որակելով «հակառակորդի քարոզչական մուղամի հերթական ելեւեջ»:

Ապրիլի 24-ի լույս 25-ի գիշերը ադրբեյջանա-դարաբադյան զինված դիմակայության գոտում հակառակորդը կրակի դադարեցման մասին պայմանավորվածությունը խախտել է ավելի քան 120 անգամ՝ օգտագործելով տարբեր տրամաչափի հրաձգային զինատեսակներ, 60 (3 արկ), 82 (4 արկ) միլիմետրանոց ականանետեր, ՀԱՆ-17 տիպի նռնականետ (57 արկ) եւ ՁՈւ-23-2 տիպի զենիթային կայանք (11 կրակոց): Ծփման գծի հյուսիսարեւելյան (Մարտակերտ) ուղղությամբ հակառակորդը հերթական անգամ անարդյունավետ կիրառել է նաեւ SPIKE տիպի հակատանկային կառավարվող հրթիռ (1 հատ):

Ապրիլի 25-ին եւ լույս 26-ի գիշերը ադրբեյջանա-դարաբադյան զինված դիմակայության գոտում հակառակորդը կրակի դադարեցման մասին պայմանավորվածությունը խախտել է ավելի քան 80 անգամ՝ օգտագործելով իր զինանոցում գտնվող գրեթե բոլոր տիպի հրետանային միջոցները եւ գրահատելիկան, մասնավորապես՝ 60 (26 արկ), 82 (75 արկ) միլիմետրանոց ականանետեր, ՌՊԳ-7 (7 արկ), ՀՀՆ-9 (2 արկ) ու ՀԱՆ-17 տիպի նռնականետ (3 արկ), ՁՈւ-23-

2 տիպի զենիթային կայանք (200 կրակոց), TR-107 տիպի ռեակտիվ հրթիռային կայանք եւ տանկ: Բացի մարտական հեռակետերից, ՄՄ-21 (Գրադ) կայանքից արկակոծման է ենթարկել Մարտակերտ բնակավայրը (14 արկ): Հրետանային կրակ է վարվել նաեւ Մատաղիսի ուղղությամբ (8 արկ):

Հակառակորդի կողմից կրակի դադարեցման պայմանավորվածությունների խախտման արդյունքում մահացու վիրավորումներ են ստացել ՊԲ պայմանագրային զինծառայողներ Տիգրան Մխիթարի Պողոսյանը (ծնվ. 1992թ.) եւ Արամ Նիկոլայի Առուշանյանը (ծնվ. 1972թ.):

Ապրիլի 26-ին, օրվա ընթացքում թշնամին շարունակել է ինտենսիվ հրետակոծության ենթարկել ինչպես ողջ առաջնագիծը, այնպես էլ խաղաղ բնակավայրերը՝ կիրառելով տարբեր տրամաչափի ականանետեր, 85, 100, 122 ու 152 միլիմետրանոց թնդանոթներ, ՄՄ-21 (Գրադ) կայանքներ եւ 9Մ33 Մ3 տիպի զենիթահրթիռային համալիր: Ադրբեյջանական զինուժը իր տրամադրության տակ եղած գրեթե բոլոր հրետանային զինատեսակներից, այդ թվում՝ ականանետերից, թնդանոթներից ու ՄՄ-21 (Գրադ) կայանքներից դարաբադյան դիրքերի եւ խաղաղ բնակավայրերի վրա արձակել է ավելի քան 550 արկ: Առավել ինտենսիվ հրետակոծություններ են արձանագրվել շփման գծի հյուսիսարեւելյան ուղղությամբ: Հրետակոծության են ենթարկվել Մարտակերտ, Ներքին Հոռաթաղ եւ այլ խաղաղ բնակավայրեր:

Հակառակորդի կողմից ձեռնարկված ագրեսիվ գործողությունների

հետեւանքով մահացու վիրավորում է ստացել ՊԲ զինծառայող, 1996թ. ծնված Հայկ Սամվելի Մինասյանը:

Ապրիլի 27-ին, ողջ օրվա ընթացքում դարաբադա-ադրբեյջանական հակամարտ գործերի շփման գծում հաստատված հարաբերական անդորրը ժամը 17:40-ի սահմաններում խախտվել է ադրբեյջանական ՁՈՒ-ի կողմից: Ադրբեյջանական զինուժը 82 միլիմետրանոց ականանետերից սկսել է արկակոծել Մարտակերտի ուղղությամբ տեղակայված պաշտպանության բանակի մարտական դիրքերը (14 արկ):

Ապրիլի 27-ի լույս 28-ի գիշերը շփման գծի ողջ երկայնքով տանկերի, տարբեր տրամաչափի ականանետերի, թնդանոթների, TR-107 տիպի ռեակտիվ հրթիռահրետանային համակարգերի ու ՄՄ-21 (Գրադ) կայանքների կիրառմամբ շարունակվել են ինտենսիվ հրետակոծության ենթարկվել ՊԲ մարտական դիրքերը, արձակվել է ավելի քան 240 արկ: Առավել ինտենսիվ հրետակոծություններ են արձանագրվել շփման գծի արեւելյան, հյուսիսային եւ հյուսիսարեւելյան ուղղություններով: ՄՄ-21 (Գրադ) կայանքներից հրետակոծության է ենթարկվել Մատաղիս խաղաղ բնակավայրը:

Ապրիլի 28-ի օրվա ընթացքում պահպանված կրակի դադարեցման պայմանավորվածությունը հակառակորդը խախտել է ժամը 20:00-ի սահմաններում:

Ադրբեյջանական զինուժը 60, 82 եւ 120 միլիմետրանոց ականանետերից վերսկսել է հյուսիսարեւելյան ուղղությամբ տեղակայված՝ պաշտպանության բանակի մարտական դիրքերի արկակոծումը: